

湖山便覽卷三

仁和翟灝緝

杭州王維翰玉堂重訂

孤山路

蘇公隄六橋自南而北第一橋有花港觀魚亭定

香橋舊有先賢堂旌德觀第二橋西為花塢舊有湖山三賢堂第三

橋有蘇隄春曉樓其下為花港舊有懷山臺第四橋舊有

水仙王廟薦菊亭雪江講堂崇真道院圓通接待菴第五橋舊有松窗第六橋有

曲院風荷亭崇文書院秋水觀竹素園湖山神廟

舊有西湖書院煙水磯陳侍御園魏奄祠

湖山便覽卷三

蘇公隄

蘇公隄 宋元祐間蘇公軾既奏開西湖即取葑泥積

湖中自南訖北為長隄以通行者夾植花柳中為六

橋公自賦詩云我在錢塘拓湖淥大隄士女爭昌丰

六橋橫絕天漢上北山始與南山通忽驚二十五萬

丈老葑席捲蒼煙空此詩史也後守林希榜曰蘇公

隄邦人祀公隄上甚者至不泛舉蘇字專稱公隄公

送李友諒歸錢塘詩公隄不改作姥嶺行當新趙次

公注云公隄乃先生所築杭人以此稱之是也自隄

之築湖分為兩人謂其東曰外湖西曰裡湖後十年

郡守呂惠卿奏毀之南渡後重新沿隄設九亭舊橋
難達大舟改二高橋時因呼曰新隄并呼其南陲曰
南新路北陲曰北新路咸治五年朝命安撫潛說友
增築高濶且新其九亭油壁青驄往來最盛歷元暨
明漸復廉削正德初知府楊孟瑛濬取葑泥補益隄
面列插楊柳稍復舊觀 國朝雍正二年與白沙隄
同時修築五年同植花木由是十里長虹煥成雲錦
葉茵蘇隄 南北山園翡翠隄邊綠張軟琉璃參
差臺榭無餘地雜踏輪蹄了四時楊柳又多前日樹
梅花只少近人詩停篙不看春風面間伴漁翁理釣
絲○趙崇錦新隄 淡煙衰草雨絲絲少醉微吟倒

湖山便覽卷三

蘇公隄

二

接羅吟到水西雲影北莞然一笑已無詩○陳郁蘇
隄曉望 荷邊清露襲人衣風裡明蟾浴曉池涼影
潤香吟不得手攀楊柳立多時○仇遠遊蘇隄 斜
隄高柳綠連天且繫遊人書畫船花事已空三月後
湖光還似百年前洛陽園圃畱詩在江左風流託酒
傳我欲扣絃歌一曲恐驚沙上白鷗眠○高得陽六
橋煙柳 畫橋六曲遠湖頭最愛晴煙柳上浮淺水
籠雲橫曉靄微風薰暖弄輕柔金梭隱見聞黃鳥錦
纜縈紆出彩舟遍倚赤闌頻注目為憐張緒舊風流
○湯煥六橋芙蓉 柳疎荷晚湖波涼木芙蓉發延
秋光淡煙斜日弄清影浴鳥飛鷺窺紅粧繁華喚醒
鶯燕老歌舞夢斷兼葭蒼何當擷取問漁父着我一
葉楓 林旁

映波橋

蘇隄南路第一橋也與西岸楊隄第六橋斜

對港通赤山教場臨安志載映波鎖瀾等名自注云

以上止據京城小說蓋諸名乃南渡後好事者所擬非蘇公自立故宋元詩詞集中皆未經用及之者但

云第一第二而已徐集孫湖西納涼詩小艇撐過第

一橋唐棣竹枝詞 門前楊柳亂吹花第一橋頭第一家馬上郎君休挾彈柳枝深處有慈鴉○王

裕霏映波橋 澄波向曉澹無風淨拭菱花 徹底通款乃一聲初發棹畫船已入水晶宮

先賢堂 在蘇隄第一橋亦稱集賢堂宋寶慶二年京

尹袁韶奏請于朝建祀杭郡自古名德許箕公而下

三十四人及孫夫人以下五氏共三十九賢初擬祀

四十時議以潘閔落魄不檢罷之祠雖瀕湖入其門

湖山便覽卷三 蘇公隄 三

一徑縈紆花竹翳蔽亭相望五六遊者由振衣歷古

香循清風登山亭憩流芳而後至祠下外堂內室周

以廊廡輯諸賢生平大概各撰像贊勒之于石列置

堂上元初堂廢諸賢像歸旌德觀馬臻春遊卽事 瑞煙祠字隱垂楊

士女穿花笑語香三十九賢 森翠碣虛舟亭上借傳觴

旌德觀 袁韶旣建先賢堂復徙玉晨道宮于其東北

界掌薰潔之事而易額曰旌德通門以便往來直門

爲堂曰仰高枕湖爲二亭曰虛舟曰雲錦後毀徙額

于城內保安坊武林舊事云旌德元係定觀香寺址

後復爲定香寺

岳珂中秋夜宿旌德觀無月滿看金盆湧碧流西湖從古愜中秋清班

正自重闌隔塵鞅難從近旬遊自是四并偏我靳從知一笑豈人謀望竟得月良非急且願西風送雨休

定香寺

臨安志云舊爲積香院在西湖上乾德四年

建治平二年改額寶慶間改旌德觀別建寺于城東

定香橋

在花港觀魚亭前一名袁公橋袁韶建先賢

堂時前建武林梵志云赤山埠側定香橋乃江干行

旅必由之路

錢惟善定香橋訪隱者不遇誦經聲隔竹林聞知有禪房遠俗氛野水菰蒲

藏小艇寒煙樹木翳斜曛雨花臺古龍歸井落月廊深犬吠雲不見故人歸去晚扁舟重過雪紛紛

花港觀魚亭

在蘇隄一橋二橋之間亭後有高軒康

湖山便覽卷三

蘇公隄

四

熙三十八年

聖祖御書四字爲十景之一恭摹勒石于此

陳霆花港觀魚晴池錦鱗衝

絮暖風赤鯉吹漚倚檻方看魚樂隔花又見漁舟○湯煥花港觀魚柳絲貼水荇浮花吹浪乘流上淺

沙網罟見稀常自得笙歌聽慣不知譁濠梁客到春波淨西塞舟回暮雨斜掃石藉苔終日坐未須香餌

其輪

鎖瀾橋

卽蘇隄第二橋與西岸第五橋對通赤山麥

嶺路錢宰看梅圖詩花落西冷第二橋

王裕霽鎖瀾橋一橋纜

過卽回瀾水激盤渦起碧湍散入浮花隨槳去香風直引鷺鷥灘

湖山堂

在第二橋左臨安志云咸淳三年安撫洪燾

建前擁雙塔後植兩峯四望洲回浦合蔚然雲錦後
三年潛說友增建水閣六楹又縱爲堂四楹以達于
閣邇延遠挹游者爭趨焉桐江續集云堂本魏靜齋
了翁所建權臣惡之乃勒碑爲洪雲巖建元圮總管
忽都魯沙重建鄧文原作碑記汪元暈湖山堂高
頽墻竹滿園雨過湖天籠白晝雲歸山市鎮黃昏忘
機今古鷓鴣來往說夢興亡燕語言行盡六橋吟更好
萬松嶺上一聲猿○任士林湖山堂樓臺影落空
明外鐘鼓聲來紫翠中白日一庭歌舞地蕭蕭菰蔣
已秋風○陶宗儀西湖晚步題湖山堂短策輕衫
徐步穩平隄落日暮光遲郎君馬上敲金鑿官妓樓
頭唱竹枝老雀不歸和靖墓長林還獲鄂
王祠吁嗟人事朝朝異山色湖光似昔時

湖山便覽卷三

蘇公隄

五

按成化杭州志云楊蟠作錢塘百詠起湖山堂至
西水亭各爲一絕據此則北宋原有湖山堂矣今
楊編失傳而郭功甫依和百首係起自湖山則知
楊所詠亦湖山非湖山堂也湖山堂在湧金門外

三賢堂 在第二橋西北花塢中初杭民祀白公于孤

山竹閣宋以和靖東坡耐其旁南渡遷竹閣而祀廢

乾道京尹周淙卽寶石山水仙王廟東廡祀焉嘉定

十五年京尹袁韶謂其僻處巖阿位置弗稱請于朝

專建堂宇于此錯置亭館周植花木有堂三額曰水

西雲北曰月香水影曰晴光雨色程秘爲之記韶旣

建堂復于堂側爲館以沽官酒或題詩有和靖東坡

白樂天卻與袁韶趁酒錢之謔見蘇長公外記時太
學諸生遇出遊多不至此堂蓋合三賢名姓為落蘇
林也見癸辛雜志又時稱三賢為三山謂香山眉山
孤山也元作西湖書院移三賢像于孔廟之後堂廢
官賣其址見桐江續集家之吳題三賢堂孤峯落
魄一詩人白傳何曾號直臣
較視眉山敢同傳並祠浙水恐誣神人非倫儼終非
偶論貴和平不貴新爭似獨尊元祐學高堂正笏更
垂紳誰稱三老作三山夫子靈居季孟間駱駝侍
人多愧色顰頭處士若為攀詞章小技應間事節義
千秋真大閑何似眉山專一壑九京賢聖盡歡顏○
方回三賢堂移入西湖新書院 湖邊莫怪舊祠荒
士女何曾炷瓣香賴是人心 猶未泯深衣迎奉入書堂

湖山便覽卷三

蘇公隄

花塢 袁韶請建三賢堂疏云訪得廢花塢一所當蘇
隄之中前挹平湖氣象清曠背負長岡林樾深窈築
基建堂且闢大達以與蘇隄連貫又程秘記云隄西
百步宿號花塢後墉為屏前峯如幕據二文塢當在
三橋之西蓋花家山下花港經流所也

望山橋 卽蘇隄第三橋與西岸第四橋斜對通花家
山遊覽志餘云三橋近出葦菜不下湘湖蔡襄西湖
晚歸詩酒到三橋月滿身方回三月三日西湖第三
橋二首 二月橋西賣酒
家柳初青眼草初芽重來紅紫隨風雨猶有野田黃
菜花 盡道西湖久寂寥紅闌干落但空橋細思未

有蘇隄日且把
閒愁着酒燒

花港 源自花家山出蘇隄第三橋下所謂花港觀魚

是也今景亭在一橋二橋之間非其舊址諸壁發花港楊柳

垂垂綠影斜溪邊茅屋盡漁家西湖處處栽桃李花
港如何不種花○桑調元夕至花港乘涼度平橋
湖水清滑笏蘿徑不逢人隱隱樵歌發微風來遠汀
荷香送不歇層船閣淺沙粥鼓動疎樾螢白水中星
螺青天際髮夜靜魚出遊謹聲宕
明月芳隄難入畱露草已沾鞮

蘇隄春曉樓 在第三橋南康熙三十八年

聖祖御書蘇隄春曉為十景之首建亭勒石雍正八年以亭

隘未稱觀瞻改建岑樓復構曙霞亭于樓後尹廷高蘇隄春

湖山便覽卷三 蘇公隄 七

曉 翰苑仙人去不還長畱遺迹重湖山一鉤殘月
鶯呼夢詩在煙光柳色間○聶大年蘇隄春曉樹
煙花霧繞隄沙樓閣朦朧一半遮三竺鐘聲催落月
六橋柳色帶棲鴉綠窻睡覺聞啼鳥綺戶粧殘喚賣
花遙望酒旗何處是
炊煙起處有人家

懷山臺 在三橋見芸居乙稿陳起過三橋懷山臺
賣花聲裡憑闌處沽酒

樓前對雨時景物如初人
自老夕陽波上燕差池

壓隄橋 卽蘇隄第四橋與西岸第三橋對通茅家步

港臨安志云橋下水極深凡入靈竺舟行必取道于

此劉渙憶舊詩重到桃花第四橋朱彝尊載酒夜泛
白鷺鷺拳一足

綠楊柳散千條誰唱鸞
鸞月子赤闌干第四橋

水仙王廟 宋寶慶元年袁韶自寶石山下徙建蘇隄

之第四橋自為碑記略云予既更三賢祠而水仙廟

未有所釐正于是以廢酒鑪泐焉詳見白沙隄寶石

山董嗣杲水仙廟 雲翹雨佩有遺仙香火寧隨世

代遷廟始大同年紀著額頌乾化救碑鑄鳳閑露

薦菊亭 西湖遊覽志云在第四橋薦菊井上嘉靖二

十二年陳守仕賢構

按廟自寶石徙此泉難隨徙故張偉詩云獨有菊泉能定力歲寒堅守此山前合董嗣杲御無門外一泓泉句觀之宋元時蘇隄無薦菊泉明甚陳守之亭不知因何井重構今亭復不存沿隄亦未見

湖山便覽卷三 八

井豈井與亭並砌並廢抑以耳食貽悞所建實上空亭耶

雪江講堂 武林舊事云在第四橋滄祐中婺州布衣

胡伋充三賢堂長設講于此伋號雪江著有錦囊

集何應龍寄胡雪江 借得官亭小似船六橋風月友三賢芙蓉未發荷花老一點詩情若箇邊

按白珽西湖賦閣雪江之講肆注云湖光講堂在新路湖光疑即胡伋二字訛

崇真道院 在第四橋宋咸淳四年建院後有高閣水

仙王廟香火屬焉趙汝鐸崇真觀東軒 東軒面水枕山阿左右雲煙濕翠蘿風度鶴

聲聞遠壑日移松影轉前坡愁來獨靠清尊遺老去休憎白髮多道士罷琴揮醉筆詩成自喚小童哦

圓通接待菴 在第四橋宋賈似道建一名施水菴旁

設石臺燈籠以照湖內夜船李志云田汝成併崇眞道院于施水菴誤

東浦橋 卽蘓隄第五橋與西岸第二橋對通麴院港

周紫芝韓園讌集詩遙知第五橋邊路桐葉題詩人

未歸方回百五節携酒訪趙宣慰于西湖第五橋之曲港南山書院二首第五橋通曲港船直搖

春水到門前休官久作魚竿客扶老來尋鶴鬢仙疇曩歡娛如昨日今吾衰颯最高年舊墳新塚石羊虎且舉殘杯莫愴然暮年無不與心違節物過從事總非何處青梅嘗煮酒誰家紅藥試單衣半酣便令拏舟去驟熱猶容借扇歸忽憶向來獨立處雪天閑看白鷗飛

松窓 在第五橋宋張濡別業濡號松窓因以名其所

湖山便覽卷三 蘓公隄 九

居見武林舊事

跨虹橋 卽蘓隄第六橋與西岸第一橋斜對通耿家

步港稍北則爲西林橋矣陳孚湖隄感舊詩東風第

六橋邊柳不見黃鸝見杜鵑袁宏道飲六橋酒爐上流芳亭畔草如油墮

粉吹香歷幾秋鄂國有祠爭下馬西陵無主漫登樓玉瓏釀熟多酬直土哺魚肥易上鉤南北諸峯收不盡朝朝放艇過溪頭○王式丹跨虹橋曉望愛此曉色好披衣登跨虹山嵐與水氣合併歸鴻濛須與初日上隱映孤山東宿霧漸以斂波殺搖微風羣峯了可數花林見殘紅西湖多好景喧填厭忽及此人跡靜萬象凝冲融手掬一泓水浣滌塵眼濛瞪視忽絕叫妙筆營邱翁四面空翠來獨立圖書中纔有小舸過猶聞鳳林鐘

曲院風荷亭 宋麴院在金沙港西北其地多荷舊稱

麴院荷風今景亭在藕隄第六橋旁名實不稱康熙

三十八年

聖祖御書十景改麴院為曲院易荷風為風荷恭摹勒石亭

上東建迎薰閣望春樓西為複道重廊摹嵌

南巡所賜諸臣墨寶

尹廷高麴院荷風 虛堂四面枕湖光 醞得芙蓉萬斛香獨笑薰風更多事強

教西子舞霓裳 張寧麴院荷風 涼氣度 芳洲香來水正流 時間採蓮曲不見採蓮舟

烟水磯 明張瀚別業今曲院風荷亭崇文書院皆其

遺址見錢心卓筆記

湖山便覽卷三

藕公隄

西湖書院 元至元時即宋太學禮殿改建書院奉西

湖三賢于殿之西偏因稱西湖書院明洪武中改為

仁和學成化十二年布政司甯良別建書院于孤山

歲久圯 國朝康熙二十五年督學王公瑋移建于

藕隄之六橋乾隆八年併入崇文書院 夏時正西湖書院種梅方

伯和陽甯公攜酒見過 占斷層崖學種梅呼龍耕 破白雲堆自甘結屋青山住不謂乘春畫舫來竹下

倒裳迎使節花間供具促吟杯都 非詔遣旌求急鷗鷺無煩着意猜

崇文書院 在第六橋西明萬歷間巡鹽御史葉永盛

集士子課文于此授以題命各就舫屬文花洲鷺渚

聽其所之少焉畫角一聲羣舫畢集各以文進名曰舫課尋就地建書院 國朝康熙四十四年

聖祖御題正學闡教四字為額有司更鼎新之

秋水觀 在第六橋左宋賈似道別墅也統名水竹院

落有理宗御書奎文之閣閣下為堂曰秋水觀度宗

御書三字賜焉又有道院舫亭思刻亭梅塢諸勝時

人稱游覽之最元張雨嘗居觀中鄭元祐詩相府尚

餘秋水觀酒旗多挂夕陽樓張炎詞更關情秋水人

家斜照西陵皆謂此明萬曆十五年改關壯繆祠俗

湖山便覽卷三

蕪公隄

二

呼一橋廟時武林高應科著西湖便覽一書其敘六

橋自北而南故以此為第一橋然俗又呼其地曰六

橋村仍依舊次不紊張雨葛嶺新居 葛洪川上有餘地善和里中無故書為惜人

間秋水觀雞鳴犬吠又移居

梅花塢 在第六橋北近孤山處賈似道築水竹院落

架樓臨之稱曰第一春梅塢周紫芝西湖山下梅花塢行可里許至陳御史

園亭 倦客厭卑樓白日坐飄忽呼我同舍郎緩策扶勃窣綠山得人家附影蔽深樾湖水一鏡明梅花

千樹發扶疏弄清影髮髯見羅襪淒迷香霧中身已在月窟窮探意未已取徑無詰屈誰家歌舞園花亂

竹復密御史投綬餘課豎種梨栗吾曹不解事尚此學換瑟當從漢陰人抱甕日捐捐

陳侍御園 揮塵後錄云陳堯臣者婺州人善丹青登科爲畫學正王黼薦之使遼盡繪道中所歷山川形勢及遼主形像以歸上大喜賜予鉅萬遷官至侍御史黼敗堯臣亦遭斥建炎中御史李采疏其爲黼鷹犬誤國之罪詔除其名秦檜嘗與堯臣同爲京東漕司試官因以厚甚檜專國遂盡復故官雖不敢用招至武林每延入相府欵密敘舊堯臣以前所賜萬金築園亭于西湖之上極其雄麗今所謂陳侍御花園是也

湖山便覽卷三

蕭公隄

主

空巖竹倒添秋水碧渚蓮平接夕陽紅游人未達蒙莊旨虛倚闌干面面通徐璣題陳待制湖莊園無三畝地四面水連天行向樓高處卻如身在船野花春渚外山色海雲邊一任人來往茲懷亦浩然

魏奄祠

陳繼儒筆記云在第一橋與孤山隣近蓋實

第六橋也靜志居詩話云逆祠之建始于浙江巡撫潘汝楨擇地闢壯繆岳忠武兩廟之間祠成聞于朝賜額普德由是直省大吏尤而效之各于所部建祠至有二十三所都城內外祠尤多務以閎麗相尙瓦用琉璃像加冕服有沈香雕者口眼手足宛轉一如生人腸腑以金玉珠寶充之及忠賢誅諸祠悉爲士

民所毀凡建祠者盡入逆案朱茂暉崇正戊辰湖上

王定羣祀舊典猶可詢功崇紀自周大享配有殷或以勞定國或法施于民或捍大灾患勤事喪厥身非

此族不與議禮恒諄諄云何承平日壤法自朝紳悉

索民脂膏獻媚一寺人始由節使潘建祠西湖濬嘉

名錫普德過者莫敢瞋羣小齊效尤違惜耗金銀初

時自吳楚漸乃徧晉秦迢迢極關塞各各逞斧斤高

官及大帥將作何紛綸經營擬宮室究度侈堂陳或

為九楹殿升降離采鱗或分門三塗夥頤關層闈或

樹一丈碑表頌滿堅珉黃金滲厥像丹漆塗其唇僉

呼九千歲拜手稽首頌爰有陸上舍跽犬吠狺狺孔

子作春秋魯史蓋有因誅一少正卯不足懼亂臣豈

若頌要典其言醇乎醇東林宜顯戮以仁殺不仁是

誠上公德至聖亦至神允宜警宗祀俎豆垂千春邪

說雖未遂聞之嚙齒斷恨之斬馬劍斷頭擢其筋拈

皇忽徂落我后新政勤爰書別六等國法崇朝伸縱

有百乾兒安能贖其親我來泊湖曲詔下交歡忻一

湖山便覽卷三

蘇公隄

三

夫為之倡童叟咸來臻碧瓦碎作礫畫棟摧作薪刀
剗莽頭秃土盜鯨壤埋成之累歲月毀之不終晨世
間快意事敗謀在遠巡除惡莫若盡古訓信可遵白
日重光昭平湖自漣淪長留關與岳終古配明禋
按地志為史之餘美惡不嫌並見賈入之園楊髡
之塔舊志已皆登載奄祠雖穢用以攷理亂鏡得
失正不必為湖山諱而不書也

竹素園 在第六橋西 國朝雍正九年總督李公衛

關地為園正中建堂奉

世宗御書竹素園三字為額右引桃溪之水屈曲環注倣古

人流觴之意臨水構亭亭西置舫齋曰臨花舫迺南

為水月亭後為樓曰聚景最後為觀瀑軒為香泉室

湖上泉流之勝此為最著

翟濤春遊竹素園醉後作
錢塘湖頭春事繁遊人

曉出如緣源蘇公隄上共走馬岳王祠畔爭叩門名
園新闢竹茂密雜木交蒔花濱繙別路紆徐借香殿
迴廊屈折通高軒徘徊素李競顏色沿蹊招客香無
言司花諸神隔垣任靚影莫是神精魂亭亭俯映一
溪水遠自棲霞山頂奔落英隨流紅萬點東西宛轉
盤石根永和勝事喜在眼佳日正好浮芳尊同來數
子策初倚遠携百榼鱸新溫興洽那須敷坐具軟茵
重疊鋪靡蓀不愁授簡坐客少竹兄石丈情素敦臨
風醉去出塵想造物于我何加恩生當太平足深幸
况得勝地窮朝昏瑩然一鑑三十里處處樓觀追翠
鸞集芳聚景久消歇後來居上惟斯園天章煥
爛耀泉石合加局護解鷲喧往來裙屐弗可禁邈矣
寬大古意存錫蕭吹沸社鼓擊昇平雅調詞
人翻擊節高歌日將暮歸舟一葉招西村

湖山神廟 在竹素園左雍正九年與園同建李公記

湖山便覽卷三

蘇公隄

西

略曰河圖括地志言川德布精上為星西湖之勝豈
獨無列宿主之又典術東方歲星為杏春秋運斗樞
玉衡之星散而為桃草木之敷英皆列宿之精所化
西湖自正月至十二月無月無花無花不盛亦必有
主之者已爰闢祠宇中奉湖山正神旁列十二月花
神加以閏月各就其月之花表諸冠裳以為之識且
設四時催花使者于湖山神之旁焉三春之月都人
士女競集于此畫鼓靈簫喧闐竟日目曰湖山春社

王霖湖山春社 六橋舊費水仙祠新構丹楹枕碧
漪秋月春花原爛熳雲廊風磴更參差鈿車乍過香

生幄社鼓初來風滿旗水際流觴傍修竹風光如在
永和時○戴廷熺夏至後四日泛湖舟泊花神廟前
水淥山濃霽景鮮好風驅溽柳陰前就清涼處鋪
吟席得靜便時漾酒船入社不招林外客司花正放
雨餘蓮顏醺夕照頭盈
雪齒序人過五百年

裡湖有金沙港其旁為趙公隄有天澤廟舊有趙院杜叔

兼宅小隱園資國院宋庸齊墓裴園螭蝗橋接趙隄為金沙隄有玉帶

橋關帝祠與二隄縱橫相值者為楊公隄有裡六

橋

金沙港 咸淳臨安志云金沙澗繞靈隱山一帶至行

春橋折入步司前軍寨門由麴院流入湖雲麓漫鈔

湖山便覽卷三

裏湖

五

謂武林東西二水東曰龍源西曰錢源合流過橫坑
橋入于錢湖蓋卽此也澗水入湖之處名金沙港顧
夷吾山川記云其水自南徂東臨浙江一派謂之靈
隱浦臨安志引之云今資國院前是也亦云靈隱步
頭顧氏所謂靈隱本統湖上羣山言之其浦指湖江
相輸之處唐後湖不通江而自九里松行春橋至金
沙港皆為靈隱寺所屬故自宋以來皆指此港為靈
隱浦其港沙皆金色又名金溪元虞集構金溪草堂
于此見姚氏西湖志白珽結廬港畔又名之曰港困

著有湛困集見宋潛溪文集地屬南北兩高之間又
名兩峰澗見武林舊事是處山泉湫會砂礫擁流湖
面最易淤塞 國朝雍正五年設建石閘港口郭祥
隱浦 有靈何所隱深浦老菘葭漁父一舟泊却疑
秋漢槎○張丹金沙灘遇馭鹿口占 武穆祠前忽
把臂金沙灘畔各攜筇君遊靈隱我龍井翠滿南峯
與北峯○景星杓過金沙灘 天寒金沙晶風列丹
木落山川蘊真趣幽人興所托今日溪聲大眾雨迸
巖壑揭衣渡前林荒徑屢迴錯還就山家飲不厭村
酒薄道旁有孤墳殘碑載封爵茫茫千載間賢愚等
寂寞生無金紫榮得有雲山樂不游復不醉且當爲
嘍

趙公隄 一名小新隄 宋淳祐二年安撫趙德淵與憲

湖山便覽卷三

裏湖

夫

築自北新路第二橋至麴院步凡二百五十丈夾岸
花柳一如蘇隄路通靈隱天竺半隄作四面堂又作
亭三以憩遊人咸淳五年修築增高五尺廣皆二十
五尺傅氏志纂云此隄湮沒已久故隄旁諸園在嘉
靖間作遊覽志時已稱並廢宋志所云北路第二橋
蓋東浦橋也今新築之金沙隄即其處竊按履泰將
軍廟武林舊事系小新隄下今廟現存以此測之似
隄未全湮金沙隄但續其東睡數十丈耳丁文策小
二首 湖上新晴好臨流曉放船兩峯開遠嶂一水
蕩遙天風滴花間露人衝柳外烟珠簾猶未捲寂寞

自高眠 又逐笙歌出春風事事齊一年芳草路三
月柳條隄畫舫吹龍笛香車逐馬蹄不知門候禁酣
飲月輪西

麴院 在小新隄宋紹興時置隸于戶部歲取金沙澗

水造麴以釀官酒乾道時議欲南徙周紫芝謂西湖

水清甘如飴歲取而未嘗或失今所遷地瀕濁港

雜以江湖其味甚鹹不堪用上書張尙書論之書載

太倉稊米集地多荷花舊稱麴院荷風指此周文璞

麴坊纔盡上湖船笑問雲山欠酒錢

兩岸柳絲黃不斷不知身在御園邊

按麴院之見于臨安志夢梁錄武林舊事等書者

有云金沙澗由麴院入湖又云小新隄西至麴院

湖山便覽卷三

裏湖

七

步又云行春橋在麴院大路又云天澤泉在麴院
小隱寺前合諸說院當在隄西陸行春橋天澤廟
之中舊時湖水直際九里松路故金沙之水即于
院前入湖而其地之荷花繁盛今湖去此幾二里
一片平陸不惟麴院之墟不能求索
即趙公隄亦不辨其何意設此矣

杜叔謙宅 杜名汝能號北山宋太祖母昭憲杜太后

諸孫也居麴院有能詩聲見武林舊事杜汝能秋日

入泉聲不見山容亦自清數日

小隱園 在小新隄麴院旁初名適安園癸辛雜志云

內廷有菊夫人者歌舞為仙韶院之冠宮中號菊部

頭既而稱疾告歸宦者陳源聘畜于西湖之適安園

尋德壽以按梁州曲舞宣喚再入九禁陳感成疾有某士者頗知其事演為菊花新曲破獻之此正其地後獻重華宮為小隱園孝宗撥賜張貴妃改永寧崇福寺瀉祐間趙與憲築隄僧道源即寺前建茶湯亭見臨安志近志作茶陽訛

天澤廟 在小新隄去金沙隄西約一里一名履泰將軍廟將軍孫顯忠字贊明仕吳越宋嘉熙中京尹趙與權禱雨有驗奏封天澤侯賜廟額曰孚應額及省牒皆與權手書明萬歷間郡守張振之禱雨復驗拓

湖山便覽卷三

裏湖

六

地新廟郡丞喻均為記廟有天澤并禱雨臺葛仙翁所植虬松其左為魚籃觀音院

資國院 武林舊事作資國園在小新隄吳越孫贊明宅園也宋乾德三年捨為僧院名報國治平三年改額有蘓長公書隱秀齋石刻趙令時跋其後咸淳五年通判馬元演取石歸署

釋道潛次韻文饒同自龍井出資國寺泛舟以歸北山踞虎奔犀列萬形奇觀直以過南屏紫雲細路杳無盡落石飛泉靜有聲十里平湖初卷葑一天秋色共揚舲停橈閑過孤山寺寂寂林僧半掩扇○樓鏞西山資國寺野溪青淺度危橋徑策枯筇上紫霄晚霧暗蒸山寺雨松風深隱海門潮浮杯水漲人何在洗鉢池清意自消又上樂亭臺上看雲山萬疊

更逍遙○周紫芝雪中歸資國 出門雪意已垂垂
湖上回鞭雪滿衣人向水晶宮裏住馬從銀色界中
歸樹頭雲東依然在湖面鷗寒斷不飛今夜燈前有
殘榼擁爐深閉一蓬扉○又資國巨松伐爲東觀材
文字初離五陌餘緇囊縹帙祕新儲
何人合在天東壁十八公堪作校書

宋庸齋墓 在資國院右庸齋名斌字文叔袁州人受
業朱子之門篤實靖重確守師說卒年八十儒林私
謚爲淳固先生

裴園 宋裴禧別業也又有喬園史園乃喬幼聞史徽
之別業並見武林舊事近天澤廟今並廢楊萬里泛舟賞荷

岸岸園亭傍水濱裴園飛入水心橫
旁人莫問遊何處只疎荷花鬧處行

湖山便覽卷三

裏湖

九

馬蝗橋 在小新隄喬幼聞別業西北見武林舊事西
湖遊覽志二書臨安志不載此橋別有小新隄橋云
淳祐中建疑屬一橋兩稱

金沙隄 雍正九年總督李公衛因港中灘沙漲成平
陸就築成隄以通裡六橋路與蘇隄之東浦橋縱橫
相接廣三丈長六十三丈隄半爲玉帶橋此隄之長
僅趙隄四分之一自此西通行春橋路百七十七丈
則猶趙公故蹟也

玉帶橋 中設三洞醜水上構飛亭夾以朱欄繞以花

柳晴波倒影儼然長虹亘空增修十八景目曰玉帶

晴虹施安玉帶橋雨中秋荷分韻 橋外西風上釣

涼雨不休疑有湘靈鼓瑤瑟忽看翠羽滿 芳洲哦詩待與篙師約白袷新寒且小留

關帝祠 在玉帶橋側雍正九年建湖上祠凡數處規

制宏麗以此為最山正殿迴廊啟徑而入疊石為山

疏泉為池錯置亭榭有觀瀾亭垂釣亭薺薇洞瓊花

島及月榭露橋岑樓船室諸勝

楊公隄 在裡湖西岸與蘓公隄相對明正德初郡守

楊温甫孟瑛既開濬西湖遂于此築隄建橋所謂裡

湖山便覽卷三

裏湖

三

六橋是也今裡湖淤淺隄西多為居民田桑之地行

遊者稀雍正間修隄但增高濶不復補植花木

公隄集唐 柱史姓名非水南車跡稀踏花尋舊逕 穿柳挽行衣海燕秋還去林鶯暖欲飛子雲清自守

言念獨 依依

裡六橋 遊覽志云近北三橋宋已有之楊公所築特

南山三橋耳其名不立今擬定之第一橋近淨空院

玉泉之水出焉題曰環碧自此而西可通耿家步第

二橋金沙灘之水出焉題曰流金自此而西可通麴

院路第三橋近龍潭深黝莫測時有祥光浮水葢神

物之窟宅也題曰臥龍自此而西可通茅家步第四
橋遶丁家山而東沿隄屈曲蒼翠掩映題曰隱秀自
此而西可通花家山第五橋西挹高峯舊有三賢祠
在焉題曰景行自此而西可通麥嶺路第六橋從定
香橋而入虎跑珍珠二泉之水出焉其源長矣非濬
道不可題曰濬源以上諸名皆田汝成所擬考郎瑛
七修類稿載楊公嘗自言云南畔三橋乃吾新開之
地可名爲濬復濬源濬治北畔三橋舊有水口吾爲
築橋可名爲二龍流金涵玉據此則楊公本自立名

湖山便覽卷三

裏湖

三

且近北三橋亦非宋所有矣杭人并藕隄六橋稱十

二橋

胡潛西湖竹枝詞
岸共氤氳七香車內多游交箇箇舉簾過岳墳

十二橋頭日半暝酒壚花

○

張丹竹枝詞
一處搖龍堂岳廟都遊了泊在西冷裡六橋

鷺鷥飛處見郎招趕上郎船

外湖有湖心亭

舊有三塔三潭湖心詩社

南爲放生池爲三潭

印月亭

舊有水心保寧寺

湖心亭

湖中舊有三塔明宏治時毀正德時并去其

基惟北塔一基略存嘉靖三十一年知府孫孟訪得

之建亭其上名曰振鷺田藝蘊遊記由涵鏡亭西渡

湖心爲振鷺亭是也未幾圯萬歷四年按察僉事徐

廷祿重建額曰太虛一點司禮孫隆疊石四周廣其
址建喜清閣旁植花柳遊人詞客但統稱曰湖心亭
國朝重加葺治左右翼以雕闌上為層樓康熙二十八

年

聖祖仁皇帝御書亭額曰靜觀萬類樓額曰天然圖畫乾隆

二十七年

皇上御書額曰光澈中邊嚴祭風雨宿湖心 渺渺平湖

又逐風塵去却憶秋蓬聽雨眠陳洪濛湖心亭新
成十里湖光一鏡平何年卜築破空明月中誤擬
瑤臺見海上真疑蜃氣成碧落墮星團鳳蓋雲根栽
石結鷗盟桃源不必尋歸路徒倚欄干挹太清張

湖山便覽卷三

外湖

三

萱湖心即景漲玉周遭淡欲無三潭深處一亭孤
疏鐘度水寺邊寺野艇依林湖外湖日落雲容輝自
懶春殘病骨未全蘇開尊不用邀明月已探驪龍頷
下珠○方九敘湖心亭 滄波縈遠小亭幽來往惟
憑一葉舟三塔已沈青草沒兩峯相對黛烟浮潭心
影動疑蛟室風裡翬飛似屈樓何用乘槎香漢去藏
鴉門外即瀛洲○沈紹姬湖心亭 危亭獨時壓晴
川蘓白風流在眼前千頃波光簾外雨一篙春水鏡
中天金槽瀉酒眠芳草銀甲調箏唱采
蓮歌扇舞衫虛屈指百年老去幾嬋娟

湖心詩社 明萬曆時西湖八社之一也八社者一紫

陽社二湖心社三玉岑社四飛來社五月巖社六南

屏社七紫雲社八洞霄社有八社詩帖行世湖心社

劉子伯望陽主之凡岳祠林墓葛嶺蘓隄瑪瑙坡六

一泉參寥泉大佛寺柳州亭諸勝屬焉

三塔 舊在湖中宋蘇軾申三省起請開湖狀云今將
葑田開成水面須給人戶請佃種菱深恐歲久人戶
漸侵舊來水面種植官司無由覺察已指揮本州候
開湖了日子新開界上立小石塔三五所相望爲界
立條約束石塔以內水面不得請賃及侵占種植此
湖中有三塔之始白珽賦蘓公樹三塔于中流尹廷
高詩坡仙立塔據平湖言皆得實愚俗相傳乃謂昔
人鎮妖之物荒謬甚矣武林梵志云南宋舊圖對第

湖山便覽卷三

外湖

三

三橋之左爲一塔四橋左爲一塔五橋右爲一塔塔
形如瓶浮漾水中兩湖塵談云三塔基余童時猶見
之正德時楊公開湖始盡掘去

三潭 臨安志云土人相傳在湖中名勝志謂三潭深
不可測故建浮屠鎮之按塔于明宏正時廢潭則自
宋咸淳時已不知定所故但述土人之口傳舊塔所
在不可謂卽潭所在也萬歷時闢放生池池外仍置
三塔以仿舊蹟俗遂指新塔爲三潭相沿旣久不可
復正李流芳有三潭采蓴圖

朱彝尊三潭采蓴與馮
念祖顧嗣立周敬吳陳

淡周崧馬翌贊聯句 明湖一鏡平際曉光汎汎三
月抽香萼纖纖裏柔苗吳農戀鄉味少小能識察擬
荷錢未圓比苻帶猶滑差遜雉尾長頗類蠶絲軋燕
釵股天斜鳧蔡莖藻刷入掌溜蚩蜋逆毛掩鷓鴣當
其采摘時得一走七入幾番誠漁童百過迴櫓窳匪
直手拈据更在眼明照貯之老瓦盆戢戢小魚頰亟
須下鹽鼓曾不費椒糶卽此足解醒饑擬恣交戛却
笑張季鷹苦待秋風刮。周京泛月三潭作 山月
出山山當門門前春水波法云移船柳影翠生暈過
橋花氣香無言更深寒潭向空瀉人靜大魚浮夜昏
舉頭圓鳧漫流照
起舞叩舷翻酒尊

水心保寧寺 普天福中僧紹巖建亦名湖心寺巖嘗
誦蓮經寺中方冬嚴寒忽有蓮花七本生于庭陸人
爲築菴命曰陸蓮宋嘉祐中郡人放生于此構小亭

湖山便覽卷三 外湖 三

郡守沈邁命曰好生元豐中樞密使林希有懷香山
舊游建堂寺中命曰思白元祐中蘓公立石塔三所
與寺相望因或呼三塔寺紹興中闢聚景園寺廢嗣
濮王請移寺額于權木橋菴明天順中僧毒峯重建
故址宏治五年按察僉事陰子淑廉得寺僧之姦發
事毀之并毀寺前之塔萬歷末又移寺額於放生池
之德生堂或云堂卽舊寺基也 蘇軾陸蓮菴 何妨
僧到處禪陸地生花安足怪而今更有火中蓮。舒
廬湖心寺 吹落清香縹緲風樓臺彷彿水邊紅人
間誰是丹青手畫取春湖細雨中。黃潛湖心寺夜
坐 蕭蕭涼月滿池臺水檻風櫺四面開一炷殘燈

何熠耀半檐衰柳故崔嵬謬持微祿知無補未謝餘緣得重來塵土馬蹄何日事可容良夜廢脚杯

放生池 明嘉靖間既建湖心亭於北塔遺址其中塔

南塔久廢為荒灘萬歷三十五年錢塘令聶心湯請于水利道王道顯用蘓公法捲取葑泥繞灘築埂成湖中之湖以為放生之所又于舊寺基建德生堂擇僧守之禁絕漁人越界捕捉三十九年令楊萬里繼築外埂至四十九年而規制盡善遂以德生堂增葺為寺復舊湖心寺額池外造小石塔三座謂之三潭淡生堂書目有西湖三潭放生詩一卷遷塔詩一卷

湖山便覽卷三 外湖 三

謂此地之潭與塔也歲久寺圯 國朝雍正五年重建前接三潭印月亭後為曲橋三折而入為軒三楹又接平橋為敞堂進為層樓環池植木芙蓉花時爛若錦繡增修十八景所稱魚沼秋蓉謂此徐俾舟移放生池竟日幽尋歷翠微濠梁風景更依依橋紆曲檻猶憑几水約寒雲欲浸扉何處滄浪堪濯足此間魚鳥獨忘機蒼蒼一片蒹葭色乞與狂夫作釣磯。金志章秋日泛舟至湖心寺 殘荷衰柳共蕭蕭船指湖心盡槩搖鏡裏山光濃寫黛潭邊秋影暗生潮放魚人去誰知樂選佛場空各意消莫怪流連暮忘返夕陽飛鷺愛風標

按放生池託冒舊蹟凡五池與德生堂三塔三潭湖心寺是也五者之中惟湖心寺去此度不甚遠

三塔三潭詳見右方放生池則肇始宋天禧時乃以全湖充之德生堂則慶元時做天禧故事所建祝網縱鱗之所在北山石函橋西自虞淳熙為僧家假借生色一傳會而後之作地志者多為所欺訛以傳訛糾紛日甚今並著其實錄謬悠之言槩擯不取

三潭印月亭 在放生池前宋陳清波有三潭印月圖

康熙二十八年

聖祖御書四字為十景之一勒石建亭李公西湖志云月光

映潭分塔為三故有此目陸氏湖壖雜記云登山頂

下盼湖中有三大圓暈所謂印月蓋似月而非真月

也二說未知孰是尹廷高三潭印月 坡仙立塔據平湖天影清涵水墨圖夜靜老龍

湖山便覽卷三 外湖 三

鱗甲冷冰壺深處浴明珠。楊周三潭印月 碧天清影下澄潭萬頃金波鏡裏看驚起蛟龍眠不得冰壺秋色夜光寒

湖山便覽卷三